



O'ZBEKISTON RESPUBLIKASI PREZIDENTI
HUZURIDAGI STATISTIKA AGENTLIGI
TOSHKENT SHAHAR STATISTIKA BOSHQARMASI

TOSHKENT SHAHRIDA MADANIYAT VA SAN'AT MUASSASALARI FAOLIYATI *2022- yilda*



Madaniyat bu - inson faoliyati va uning ahamiyatini belgilovchi ramziy vositalar va asarlar yig'indisidir. Madaniyat musiqa, adabiyot, san'at, me'morchilik, teatr, kino va turmush tarzi kabi faoliyatlarda namoyon bo'lishi mumkin. Antropologiyada «madaniyat» atamasi mahsulot va ularning ishlab chiqarilishi, estetik qiymati va shu jarayonlar bilan bog'liq ijtimoiy munosabatlarni bildiradi. Bu jihatdan madaniyat san'at, fan va manaviy tizimlarni o'z ichiga oladi.

Madaniyat - bu jamiyat, shaxsning ijodiy kuchlari va qobiliyatlari tarixiy rivojlanishining ma'lum darajasi. U kishilar hayoti va faoliyatining turli jabhalarida, ular yaratayotgan moddiy va ma'naviy ne'matlarda namoyon bo'ladi.

San'at ijtimoiy ong va inson faoliyatining o'ziga xos shaklidir. San'at qadimiy tarixga ega bo'lib, u jamiyat taraqqiyotining dastlabki bosqichlarida inson faoliyatining rivojlanishi bilan bog'liq holda paydo bo'la boshlagan.

San'at odamlarning estetik ehtiyojlarini qondirish bilan birga, o'z taraqqiyotining turli bosqichlarida jamiyat a'zolarini ma'lum bir ruhda tarbiyalash, ularning aqliy va hissiy rivojlanishi, shaxsning turli maqsadlari, his-tuyg'ulari, qiziqishlari va ideallarini ifodalash vositasi bo'lib xizmat qilgan. Estetik tafakkur tarixida san'at go'zallik qonuniyatlari asosida qandaydir tarzda narsa va hodisalarni aks ettirish va hayotni badiiy tarzda ifodalash g'oyasiga aylangan.

Teatr san'ati azaldan insoniyatning ma'naviy hayotida o'z o'rnini egallagan. Ming yillar avval qadimgi Hindiston, Qadimgi Xitoy va Qadimgi Yunonistonda teatr dastlab bir, keyin ikki bosqichdan iborat bo'lib, shundan keyingina jamoaviy san'at turiga aylangan. Boshqacha aytganda, spektakl jamoaviy ijod mahsuli bo'lsa, rejissyor, dramaturg, aktyor, rassomning ijodiy izlanishlari samarasi bo'lsa, aktyorlarning bugungi ishi boshqacha. Demak, sahna san'atkorning muttasil ijodkorligini ko'rsatadi, aktyor zamonaviy san'atga uning ruhi, ijodiy kayfiyati bilan bog'liq nimadir qo'shadi yoki olib tashlaydi.




TOSHKENT SHAHRIDAGI MUZEYLAR

Shahrimizda 2022-yilda jami muzeylar soni 33 tani tashkil etgan. Muzeylarga tashrif buyuruvchilar soni 1 655,4 ming kishidan iborat bo'lib, ulardan o'quvchi va talabalar ulushi 44,7 % ni tashkil etgan.




Muzeylar soni, birlik



2022- yilda muzeylar faoliyati




Tashrif buyuruvchilar soni,
ming kishi



TOSHKENT SHAHRIDA MADANIYAT VA SAN'AT MUASSASALARI FAOLIYATI

Bugungi kunda shahrimiz muzeylarida turli xildagi buyumlar va eksponatlar mavjud bo'lib, 2022-yilda muzeylardagi jami asosiy fond eksponatlari soni 1 067,7 mingtani tashkil etgan. Muzey eksponatlarining 10,5 mingtasi rassomlik, 23,9 mingtasi grafika, 2,9 mingtasi haykaltaroshlik, 36,5 mingtasi amaliy san'at, 114,8 mingtasi numizmatika, 97,8 mingtasi arxeologiya buyumlari, 114,7 mingtasi suratlar, 137,7 mingtasi hujjatlar, 26,7 mingtasi maishiy va etnografik buyumlar va 502,2 mingtasi boshqa eksponatlardan iborat.

2022- yilda asosiy fond eksponatlari soni,
ming birlik



TOSHKENT SHAHRIDAGI TEATRLAR

2022-yilda shahrimizdagi jami teatrlar soni 17 tani tashkil etib, bu ko'rsatkich 2018-yilga nisbatan teatrlar soni 1 taga kamayganligini ko'rsatadi. Unda namoyish etilgan spektakllar (tomoshalar) esa, 3 616 tadan iborat. Taqdim etilgan spektakllarga tashrif buyurgan tomoshabinlar soni 739,4 ming nafarni tashkil etgan.

2018-2022- yillarda teatr faoliyati



	2018	2019	2020	2021	2022
Teatrlar soni, <i>birlik</i>	18	18	18	19	17
Teatrga tashrif buyurgan tomoshabinlar soni, <i>ming kishi</i>	795,3	854,7	281,7	485,7	739,4


Teatrlarning janrlar bo'yicha taqsimlanishi *birlik*



TOSHKENT SHAHRIDA MADANIYAT VA SAN'AT MUASSASALARI FAOLIYATI

Teatrlar soni tumanlar kesimida tahlil qilinganida, eng yuqori ko'rsatkich Shayxontohur tumani (7 ta teatr) ulushiga to'g'ri kelmoqda. Keyingi o'rinlarda Mirobod tumanida 5 ta, 3 tasi Chilonzor tumanida, Mirzo Ulug'bek hamda Yakkasaroy tumanlarida 1 tadan teatr mavjud. Ushbu teatrlarga tashrif buyurgan tomoshabinlar sonini tahlil qilsak, quyidagi tumanlar yetakchilik qilmoqda: Shayxontohur tumani (364,2 ming kishi), Mirobod (250,7 ming kishi), Chilonzor (100,0 ming kishi).

2022- yilda tomoshabinlar va spektakllar soni tumanlar kesimida



spektakllar

3 616

739,4 ming

tomoshabinlar

tomoshabinlar, *ming kishi*

spektakllar, *birlik*

TOSHKENT SHAHRIDA KONSERT TASHKILOTLARI VA SIRK

Toshkent shahrida 2022-yilda jami 42 ta faoliyat ko'rsatayotgan konsert tashkilotlari mavjud. Konsert tashkilotlari tomonidan amalga oshirilgan konsertlar soni 2022-yilda 1 374 tani tashkil etgan. Shuningdek, tinglovchilar soni jami 973,5 ming nafarga teng bo'lgan.

2022- yilda konsert tashkilotlari faoliyati

	2018- y.	2019- y.	2020- y.	2021- y.	2022- y.
Konsert tashkilotlari soni, <i>birlikda</i>	34	37	37	42	42
Xizmat ko'rsatilgan tinglovchilar, <i>ming kishi</i>	699,8	915,8	184,5	423,0	973,5
Konsertlar soni, <i>birlikda</i>	675	939	255	1 007	1 374

2022- yilda faoliyat turlari bo'yicha konsert tashkilotlari, *birlik*




2022- yilda konsert tashkilotlarining faoliyat turlari bo'yicha

	Konsertlar soni, birlik	Xizmat ko'rsatilgan tinglovchilar soni, ming kishi
Filarmoniya	825	103,2
gastrol-konsert	238	312,1
mustaqil jamoalar	6	18,0
konsert zallari, san'at saroylari	305	540,2

O'zbekiston Respublikasida sirk Toshkent shahrida o'z faoliyatini olib boradi. 2022-yilda sirkdagi namoyishlar soni 110 tani tashkil etgan. Namoyishlarda ishtirok etgan tomoshabinlar soni esa 102,6 ming kishini tashkil etgan. Shtatdagi artist xodimlar soni jami 176 nafarga teng bo'lib, umumiy soniga nisbatan artist ayollar ulushi (81 nafar) 46,0 % ni tashkil etdi.

2022- yilda sirk faoliyati




TOSHKENT SHAHRIDA BOTANIKA VA HAYVONOT BOG'LARI

Toshkent shahrida 1 ta hayvonot bog'i mavjud bo'lib, u o'z faoliyatini Yunusobod tumanida olib bormoqda. 2022 yilda, hayvonot bog'iga 908,8 ming kishi tashrif buyurgan, shundan 304,6 ming nafari bolalardir.

Shahrimizning hayvonot bog'idagi o'simlik va hayvonot dunyosining xilma-xilligi o'ziga xosligi bilan tashrif buyuruvchilar e'tiborini tortadi. Bu yerda, xususan, hayvonot dunyosining 343 ta turi, o'simlik dunyosining 2 459 ta turi mavjud. Hayvonot dunyosi namunalari umumiy soni 16 185 ta nusxalarni tashkil etadi va 20 082 ta jami o'simlik dunyosi namunalari nusxalari mavjud. Toshkent shahridagi hayvonot bog'ining umumiy maydoni 25 gektarni tashkil qiladi.




2022- yilda hayvonot bog'larining hayvonot dunyosi



Toshkent shahrida 1 ta botanika bog'i mavjud. Toshkentdagi botanika bog'ining asosiy qismi Shimoliy Amerika, Yevropa, Qrim, Kavkaz, Uzoq Sharq, Sharqiy va Markaziy Osiyo dendroflorasiga bo'lingan.

2022-yilda botanika bog'iga 116,8 ming kishi tashrif buyurgan, shundan 21,6 % (25,2 ming kishi) bolalardir. Undagi ekskursiyalar soni 2022-yilda 360 tani tashkil etdi, shundan 316 tasi maktab o'quvchilari uchun o'tkazildi.

2022- yilda jami qatnovlar, ming kishi



TOSHKENT SHAHRIDA MADANIYAT VA DAM OLISH ISTIROHAT BOG'LARI

2022-yilda Toshkent shahrida 21 ta madaniyat va istirohat bog'i mavjud. Shu bilan birga, ularning tumanlar bo'yicha taqsimlanishida eng ko'p madaniyat va istirohat bog'lari Chilonzor tumanida (10) ta, Shayxontohur tumanida (8) ta joylashganligini ko'rsatdi. Bektemir va Olmazor (1 birlik) tumanlarida bu ko'rsatkichlar boshqa tumanlarga nisbatan past.



istirohat bog'larining umumiy
maydoni, ga

96,0

3 632,5

qatnovlar, *ming kishi*

Statistik ko'rsatkichlarga izoh

Madaniyat — inson faoliyati va shu faolliyatning ahamiyatini belgilovchi ramziy qurilmalar va asarlar majmuidir. Madaniyat musiqa, adabiyot, san'at, me'morchilik, teatr, kino va turmush tarzi kabi faoliyatlarda namoyon bo'lishi mumkin.


Madaniy meros bu — xalqning yoki jamoaning moddiy va nomoddiy merosidir, uni saqlab qolish va keyingi avlodlarga yetkazish uchun vasiyat qilingan. Bunga e'tiqodlar, bilimlar, badiiy ifodalar, me'yorlar va qadriyatlar, ijtimoiy amaliyotlar, urf-odatlar, joylar, obyektlar va madaniyatning har qanday boshqa ifodalari kiradi.

Madaniy meros obyektlari — moddiy va nomoddiy madaniy meros obyektlari.

Moddiy madaniy meros obyektlari — tarixiy, ilmiy, badiiy yoki o'zgacha madaniy qimmatga ega bo'lgan ansambllar, diqqatga sazovor joylar va yodgorliklar.

Nomoddiy madaniy meros obyektlari — tarixiy, ilmiy, badiiy yoki o'zgacha madaniy qimmatga ega bo'lgan urf-odatlar, xalq ijodiyoti (so'z, raqs, musiqa, tomosha san'ati), shuningdek ular hamda xalq badiiy hunarmandchiligi va amaliy san'ati bilan bog'liq bilimlar, ko'nikmalar, asbob-anjomlar, artefaktlar, madaniy makonlar.

Diqqatga sazovor joylar — inson va tabiat ijodining mushtarak mahsuli, shuningdek tarixiy, arxeologik, shaharsozlik, estetik, etnologik yoki antropologik qimmatga ega bo'lgan hududlar, shu jumladan xalq hunarmandchiligi maskanlari, tarixiy manzilgohlar yoki shaharsozlik tarixiy markazlari va tarixiy (shu jumladan harbiy) voqealar, yodgorliklar, atoqli tarixiy shaxslarning hayoti bilan bog'liq bo'lgan imoratlar, xotira joylari, tabiiy landshaftlar, shuningdek, ko'hna shaharlar, shahristonlar, manzilgohlar, qarorgohlar imoratlarining madaniy qatlamlari, qoldiqlari, marosimlar bajo etiladigan joylar.



Press-relizni tayyorlash uchun mas'ul:
Ijtimoiy soha statistikasi bo'limi



Toshkent shahar statistika boshqarmasi



Manzil: 100000, Toshkent sh.,
Amir Temur ko'chasi, 11-uy

tel.: +99871 203-88-27



e-mail: ijtimoiy_soha@toshstat.uz



www.toshstat.uz



facebook.com/Toshkentshaharstatistika

